

## OHOREZKO EUSKALTZAIN

*Zatozkida, goi Arnas!  
Eizu nerekin lan  
Herri baten arnasa  
mamitu dezadan.  
Geroak esan beza  
Herri bat izan zan  
edota hats emaiogun  
hontan iraun dezan.*

(Orixeren *Euskaldunak* poemaren hasiera)

Hala bazan, hala ez bazan  
sar dadila kalabazan  
ipuin on bati nahi nion  
atzez aurrera erasan.  
Ohorezko euskaltzain bat  
daroat orain arnasan  
asko eskertzen dudala  
besterik ezin dut esan.  
Orixek bere poema  
abiatu zuen gisan  
hitz bi aldatuz nahi nuke  
hots egin Bilboko plazan  
geroak esan dezala  
Euskaltzaindi bat izan zan  
edota hats emaiogun  
indarrean iraun dezan.

Xabier Amuriza  
Bilbon, 2014ko uztailaren 18an